



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ODLUKA
O DAVANJU SAGLASNOSTI GRADONAČELNICI GRADA SARAJEVA NA MEMORANDUM O
RAZUMIJEVANJU IZMEĐU AUŠVIC INSTITUTE ZA PREVENCIJU GENOCIDA I MASOVNIH
ZLOČINA (AIPG) I GRADA SARAJEVA
(PRIJEDLOG)

Predlagač: Gradonačelnica
Obradivač: Gradska služba za
poslove Informativnog centra

Sarajevo, novembar 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





GRADSKO VIJEĆE

Na osnovu člana 26. stav 1. tačka 2. i člana 87. Statuta Grada Sarajeva („Službene novine Kantona Sarajevo“, broj 34/08 – prečišćeni tekst), a u vezi s članom 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09), Gradsko vijeće Grada Sarajeva, na __. sjednici održanoj dana __. __. 2022. godine, donijelo je:

(Prijedlog)

Odluku
o davanju saglasnosti na Memorandum o razumijevanju između
Aušvic Instituta za prevenciju genocida i masovnih zločina (AIPG) i Grada Sarajeva

Član 1.
(Uspostavljanje saradnje)

Ovom Odlukom uspostavlja se saradnja između Aušvic Instituta za prevenciju genocida i masovnih zločina i Grada Sarajeva.

Član 2.
(Potpisivanje Memoranduma)

Saradnja iz člana 1. Odluke uspostavlja se potpisivanjem Memoranduma o razumijevanju između Aušvic Instituta za prevenciju genocida i masovnih zločina u New Yorku i Grada Sarajeva, čiji je tekst sastavni dio ove Odluke.

Član 3.
(Davanje ovlaštenja)

Gradonačelnica Grada Sarajeva ovlaštena je da u ime Grada Sarajeva potpiše Memorandum po stupanju na snagu ove Odluke.

Član 4.
(Stupanje na snagu)

Ova Odluka stupa na snagu danom donošenja i bit će objavljena u „Službenim novinama Kantona Sarajevo“.

PREDSJEDAVAJUĆI GRADSKOG VIJEĆA

Jasmin Ademović

Broj:
Sarajevo,



OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. i članu 87. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) kojima je propisano da Gradsko vijeće donosi odluke, druge propise i opće akte i daje njihovo tumačenje, odnosno da Grad Sarajevo može pristupati međunarodnim udruženjima lokalnih zajednica i saradivati s odgovarajućim lokalnim jedinicama drugih država, u skladu sa zakonom, te da odluku o pristupanju udruženjima, odnosno ostvarivanju saradnje donosi Gradsko vijeće, kao i u članu 140. Poslovnika Gradskog vijeća Grada Sarajeva („Službene novine Kantona Sarajevo“, broj 28/09) kojim je propisano da gradonačelnica za ugovore iz oblasti međunarodne saradnje mora pribaviti saglasnost Gradskog vijeća, u skladu s Ustavom, zakonom i Statutom.

RAZLOZI DONOŠENJA

Vizija Aušvic Instituta je izgradnja svijeta koji sprječava genocid i druge masovne zločine. S toga misija je da se kroz obrazovanje, obuke i tehničku pomoć, podupru države da razviju ili ojačaju politike i prakse za sprječavanje genocida i drugih masovnih zločina. Također, potiče se i inicira saradnja država kroz regionalne i međunarodne mreže u cilju unaprjeđenja prevencije.

Kao međunarodna neprofitna organizacija, institut ima registrirane i zakonski uspostavljene urede na pet lokacija. Ova globalna prisutnost odražava opseg njihovog rada na međunarodnom, regionalnom i nacionalnom nivou u izgradnji svijeta koji sprječava genocid i druge masovne zločine. Aušvic Institut za sprječavanje genocida i masovnih zločina (u daljnjem tekstu „AIPG“) ima urede u New Yorku (SAD), Buenos Airesu (Argentina), Kampali (Uganda), Oswieçim-lokalitet bivšeg nacističkog koncentracionog logora u Aušvicu (Poljska) i u Bukureštu (Rumunija).

Informativni centar o MKSJ Sarajevo djeluje unutar Grada Sarajeva kao dio upravne organizacione jedinice lokalne samouprave, te je najznačajniji korak ka uspostavi prvog Informativnog centra o MKSJ u zemljama bivše Jugoslavije postignut potpisivanjem Memoranduma o razumijevanju između krivičnog suda za bivšu Jugoslaviju i Grada Sarajeva za razvoj Informativnog centra u Sarajevu od 29.11.2016. godine. Prema potpisanom Memorandumu sa MKSJ, mandat Centra se sastoji od pružanja javnosti ažurnog, direktnog i bezbjednog elektronskog pristupa svim javno dostupnim spisima Tribunala i arhivskom materijalu sadržanom u online bazama podataka MKSJ, kao i obavljanje poslova informiranja i edukacije javnosti o pitanjima ratnih zločina, doprinoseći time procesu tranzicione pravde i jačanju vladavine prava u BiH i regionu, uz jačanje komponenti: suočavanja sa prošlošću, podrške pravnim profesionalcima i civilnom društvu koji se bave ratnim zločinima pred domaćim sudovima u Bosni i Hercegovini i izložbene komponente-prikaza rada i djelovanja Tribunala na donošenju presuda.

Predlaže se uspostavljanje saradnje između Aušvic Instituta za prevenciju genocida i masovnih zločina i Informativnog centra Međunarodnog krivičnog suda za bivšu Jugoslaviju (MKSJ) u Sarajevu, jer postoji interes za uspostavljanje saradnje u oblasti tranzicijske pravde, suočavanja s prošlošću, promoviranje zajedničkih projekata pomirenja, te borbe protiv revizionizma i glorifikacije ratnih zločina kroz njegovanje kulture sjećanja, jačanje demokratskih ideja kod mladih ljudi, te promicanje civilizacijskih vrijednosti i ljudskih prava kroz koje se grade inkluzivnije i zdravije zajednice za budućnost mladih ljudi.

Cilj uspostavljanja saradnje je doprinos unaprijeđenu rada Informativnog centra putem razmjene praksi i znanja u oblasti edukacije i informiranja javnosti o pitanjima ratnih zločina, i tranzicijske pravde. Uspostavljanjem saradnje između Aušvic Instituta za prevenciju genocida i masovnih zločina i Grada Sarajeva bi doprinijelo aktivnoj saradnji u oblasti uspostavljanja zajedničkih inicijativa vezanim za senzibiliziranje i edukaciji javnosti o pitanjima vezanim za ratne zločine kroz

organizaciju informativnih i edukativnih javnih događaja, razmjenu znanja i identifikaciji zajedničkih projekata, kao što su razmjena znanja i identifikacija projekata od zajedničkog interesa, organizacija zajedničkih događaja, radionica, organizovanje predstava na temu mira, kao i izložbi koje će promovirati mandat Aušvic Instituta i Informativnog centra.

SREDSTAVA ZA PROVOĐENJE ODLUKE

Sredstva za provođenje ove odluke bit će obezbijedjena u budžetu Grada Sarajeva.

**MEMORANDUM O RAZUMIJEVANJU
IZMEĐU
AUŠVIC INSTITUTA ZA PREVENCIJU GENOCIDA I MASOVNIH ZLOČINA (AIPG)
i
GRADA SARAJEVA**

Ovaj Memorandumom o razumijevanju (u daljnjem tekstu: MOR) sklapa se između Aušvic Institut za prevenciju genocida i masovnih zločina (u daljnjem tekstu: „AIPG,“) sa sjedištem 2 West 45th St, Ste. 1602, New York, NY 10036, Sjedinjene Američke Države, (AIPG ured u New Yorku) i 34 Londra Str., corp B, 2nd floor, room 1, 1 distrikt, Bukurešt, Rumunija („AIPG“ ured Programa za mediteransku regiju)

i

Grada Sarajeva, ulica Hamdije Kreševljakovića 3, 71000 Sarajevo, BIH (u daljnjem tekstu: Grad Sarajevo). AIPG i Grad Sarajevo će se dalje u tekstu spominjati kao zajednički „ugovorne strane“, odnosno svaki od njih pojedinačno kao „ugovorna strana“.

PREAMBULA

UZIMAJUĆI U OBZIR zajednički interes i ciljeve ugovornih strana u promociji i zaštiti ljudskih prava, zaštiti ranjivih grupa i sprječavanju genocida i drugih masovnih zločina.

BUDUĆI DA je Aušvic Institut za prevenciju genocida i masovnih zločina nevladina organizacija koja radi na izgradnji svijeta koji sprječava genocid i druge masovne zločine. Kroz obrazovanje, obuku i tehničku pomoć, AIPG podržava države i organizacije da razviju i ojačaju nacionalne i regionalne mehanizme za prevenciju genocida i drugih masovnih zločina, uključujući podršku razvoju nastavnih planova i programa i infrastrukturnih elemenata za istraživanje i formuliranje i sprovođenje politika usmjerenih na prevenciju radi ispunjavanje samoidentifikovanih potreba u pravcu jačanja mira, jačanja ljudskih prava i dobrog upravljanja, kao neophodnih uslova za prevenciju nasilnih sukoba uključujući genocid i masovna zvjerstva. AIPG ima urede u New Yorku (SAD), Buenos Airesu (Argentina), Kampali (Uganda), Oswiećim-lokalitet bivšeg nacističkog koncentracionog logora u Aušvicu (Poljska) i u Bukureštu (Rumunija).

BUDUĆI DA je Grad Sarajevo jedinica lokalne samouprave u čijem sastavu se nalazi Informativni centar o MKSJ Sarajevo. Najznačajniji korak ka uspostavi prvog Informativnog centra MKSJ u zemljama bivše Jugoslavije je potpisivanje Memoranduma o razumijevanju između krivičnog suda za bivšu Jugoslaviju i Grada Sarajeva za razvoj Informativnog centra u Sarajevu od 29.11.2016. godine. Prema potpisanom Memorandumu sa MKSJ, mandat Centra se sastoji od pružanja javnosti ažurnog, direktnog i bezbjednog elektronskog pristupa svim javno dostupnim spisima Tribunala i arhivskom materijalu sadržanom u online bazama podataka MKSJ, kao i obavljanje poslova informiranja i edukacije javnosti o pitanjima ratnih zločina, doprinoseći time procesu tranzicione pravde i jačanju vladavine prava u BiH i regionu, uz jačanje komponenti: suočavanja sa prošlošću, podrške pravnim profesionalcima i civilnom društvu koji se bave ratnim zločinima pred domaćim sudovima u Bosni i Hercegovini i izložbene komponente-prikaza rada i djelovanja Tribunala na donošenju presuda.

OVIM SE, STOGA, imajući u vidu zajedničke ciljeve i zajedničke interese, ugovorne strane sporazumijevaju kako slijedi:

**ČLAN 1.
(Cilj memoranduma razumijevanja)**

1.1. Cilj ovog MOR-a je osigurati efikasnu saradnju između Aušvic Instituta za prevenciju genocida i masovnih zločina i Grada Sarajeva u oblasti edukativnih programa i inicijativa o

prevenciji genocida i masovnih zločina, u okviru promocije i zaštite ljudskih prava, na čemu se zasniva rad obje institucije.

ČLAN 2. (Područja saradnje)

2.1. Uzimajući u obzir višegodišnje iskustvo i međunarodno priznatu stručnost AIPG-a u organizaciji i realizaciji trening seminara, istraživačkih projekata, obrazovnih inicijativa, te pružanja tehničke pomoći u oblastima prevencije masovnih zločina i promocije ljudskih prava, ovaj MOR pruža okvir za efikasan razvoj programa i povezanih aktivnosti u Bosni i Hercegovini, o temama koje ugovorne strane smatraju relevantnim.

2.2. Ugovorne strane su također saglasne da će sarađivati u drugim oblastima od zajedničkog interesa koje su relevantne i neophodne za postizanje ciljeva ovog MOR-a, za koje mogu sklopiti komplementarne sporazume.

ČLAN 3. (Modaliteti saradnje)

3.1. Kako bi se osigurala primjena ovog MOR, ugovorne strane su saglasne o saradnji:

- a) Organiziranja i provođenja programa obuke i edukativnih inicijativa o prevenciji genocida i masovnih zločina i/ili njihovo uključivanje u postojeće programe u ovoj oblasti.
- b) Poticanje istraživanja u cilju identifikovanja i razvoja novih inicijativa i strategija u oblasti prevencije genocida i masovnih zločina.
- c) Pružanje međusobne tehničke pomoći u identifikovanim i usaglašenim oblastima.
- d) Promoviranje razmjene informacija o ciljevima, programima i razvojnim strategijama koje provode strane u cilju olakšavanja koordinacije u izvršavanju zajedničkih aktivnosti.

3.2. Aktivnosti će se razvijati u obimu i proporcionalno resursima dostupnim svakoj od ugovornih strana.

ČLAN 4. (Trajanje i prestanak trajanja)

4.1. Trajanje ovog MOR-a je tri (3) godine, počevši od dana njegovog potpisivanja, a može se produžiti uz obostranu saglasnost ugovornih strana, u skladu sa potrebama i na osnovu rezultata dobivenih evaluacijama realizovanih projekata i aktivnosti. Slično, ugovorne strane se mogu povući iz ovog MOR, u bilo koje vrijeme, i shodno tome prekinuti njegovo djelovanje pismenim obavještenjem upućenim drugoj strani.

ČLAN 5. (Resursi)

5.1. Ovaj MOR sam po sebi ne stvara nikakvu obavezu finansijskih izdataka za ugovorne strane. Implementacija bilo koje odredbe ovog MOR-a zavisi od postojanja sredstava i zavisit će od raspoloživosti sredstava u skladu sa zakonima i procedurama koje se primjenjuju na svaku od ugovornih strana.

ČLAN 6. (Rješavanje sporova)

6.1. Svi sporovi koji proisteknu iz tumačenja ili implementacije ovog MOR-a će se rješavati mirnim putem pregovorima, dobrim uslugama, posredovanjem ili bilo kojim drugim diplomatskim putem.

ČLAN 7.
(Povjerljivost)

7.1. Ugovorne strane su saglasne da će se sa svim vlasničkim ili povjerljivim informacijama koje pripadaju drugoj strani postupati diskreciono.

7.2. Ugovorne strane će čuvati u tajnosti sve vlasničke ili povjerljive informacije koje je primila od druge strane i neće širiti ili propagirati takve informacije bez prethodnog pribavljanja pismene saglasnosti druge strane.

ČLAN 8.
(Obavijesti i adresiranje)

8.1. Svaka obavijest data ili sačinjena na osnovu ovog MOR-a bit će u pisanom obliku. Takve obavijesti će se smatrati propisno datim ili učinjenim kada su dostavljena ugovornim stranama na dolje navedene adrese:

Za i u ime Grada Sarajeva:

Doc. Dr. Benjamina Karić
Gradonačelnica Grada Sarajeva
benjamina.karic@sarajevo.ba

Tel.: +387 33 292 896

Za i u ime Aušvic institut za prevenciju genocida i masovnih zločina („AIPG”):

Dr. Gabriela Ghindea
Direktorica Programa za mediteransku regiju
gabriela.ghindea@auschwitzinstitute.org

Tel: +40 722 722 567

8.2. Svaka ugovorna strana može, pismenim obavještenjem drugoj strani, imenovati dodatne predstavnike ili zamijeniti druge predstavnike u svrhu komunikacije.

ČLAN 9.
(Opće odredbe)

9.1. Nijedna izmjena ili promjena ovog MOR, odricanje od bilo koje njegove odredbe ili dodatnih ugovornih odredbi neće biti valjane ili provodive osim ako ih ugovorne strane ili njihovi propisno ovlašteni predstavnici prethodno ne odobre u pisanoj formi u obliku amandmana na ovaj MOR koje su ugovorne strane potpisale.

9.2. Ovaj MOR je zaključen u dva primjerka, po jedan za svaku ugovornu stranu, u dvojezičnom obliku (engleski i jednom od službenih jezika Bosne i Hercegovine). U slučaju bilo kakvog neslaganja između bosanske i engleske verzije, engleska verzija će se smatrati vjerodostojnom.

9.3. Ovaj MOR stupa na snagu datumom potpisivanja.

9.4. Ovlašteni potpisi u nastavku ukazuju da ugovorne strane prihvataju ove dogovore i obaveze.

**AUŠVIC INSTITUT ZA PREVENCIJU
GENOCIDA I MASOVNIH ZLOČINA
U ime izvršnog direktora, dr. Tibi Galis**

**Dr. Gabriela Ghindea
Direktorica of Programa mediteranske
regije**

Broj:
Datum:

GRAD SARAJEVO

GRADONAČELNICA

Doc. dr. Benjamina Karić

Broj:
Datum: